

PAGAMPO SA KATILINGBAN

IKA 26 NGA DOMINGO SA TUIG (CEBUANO)

Kini nga mga intensyon alang sa Sinodo sa sa mga obispo sa Roma mahimong gamiton o idugang sa daan giandam .

1. Alang sa Simbahan, niining bag-ong yugto sa iyang sinodong panaw, arun nga ang presensya sa Ebanghelyo nga buhi ug nagalihok diha kaniya, magahimo kaniyang susama sa pasarasan diha sa pasumbingay, usa nga dapit diin ang tanang katawhan nga nangita'g kahulugan sa kinabuhi makakaplag ug luna, pulong ug ginhawa sa paglaum. Mag-ampo kita:

2. Alang sa mga Obispo ug sa tanang misalmot sa Sinodong Panagtigum, nga mapasaka ang mga sugyot nga motumaw gikan sa ilang pagpamati sa Balaang Espiritu arun ang tibook katawhan sa Diyos diha sa dinamismo sa pagkausa, makabatyag nga sila tiunay'ng nakilambigit diha sa kinabuhi sa Simbahan ug mamahimong buhi ug madanihong saksi sa kabag-o sa Ebanghelyo dinhi sa kalibutan. Mag-ampo kita:

3. Alang sa mga teyologo, nga ang mga gasa sa kinaadman ug pagpadayag maga-uban sa ilang ipaambit sa buluhaton sa Sinodong Panagtigum, arun ang gasa sa pagtoo mamahimong kinabuhi sa tanang katawhan sa Diyos. Mag-ampo kita:

4. Alang sa mga batan-on, mga nangita sa kamatuoran ug tiunay'ng pagsaksi, kalig-on ug kahingpitan, arun human sa sinodong panaw, ilang masinati ang padayon nga pag-usbaw sa ilang pagpanumbaling ug kalambigitan sa kinabuhi ug misyon sa Simbahan taliwala sa mga hagit sa kalibutan karun, diha sa ilang paghatag sa kadaghanan, inubanan sa kadasig sa ilang panuigon ug paglaum nga nagagikan sa ilang pagkahibalag ni Kristo. Mag-ampo kita:

5. Alang sa tanan nga nagakatigum dinhi kuyog sa tanang Kristohanong katilingban sa tibook kalibutan, nga pinaagi sa pagtilaw sa kamaayo sa Ginoo nga midangat sa kadausa diha sa Lawas ug Dugo ni Kristo, madawat unta nato gikan Kaniya ang ang lab-as nga pag-ila sa atong silingan ug mamahimong saksi sa kamanggihatagon dinhi sa kalibutan nga atong pinuy-anan. Mag-ampo kita: